



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christiana Institvtio Virtutum & vitiorum sacri uerbi Dei
declamatoribus admodum vtilis et necessaria**

Ammiani, Sebastiano

Venetiis, 1562

Ambulatio quadruplex.

urn:nbn:de:hbz:466:1-30415

Ambulatio quadruplex.

Prima est naturæ, secundum quam ambulat homo, ad mortem properando. Vnde Iob dicebat. Et semitam per quam non reuertar ambulo. Propterea sequatur alio in loco. Dimitte ergo me ut plangam paululum dolorem meum, antequam uadam ad terram tenebrosam &c. Secunda ambulatio est culpæ, secundum quam homo ambulat de malo, in malum transfundo, prout Regius Psalteris declarat dicens. In circuitu impij ambulat &c. Tertia ambulatio est gratiæ, secundum quam homo ambulat de bono, in melius proficiendo, secundum quem modum Deus docebat ambulare inquit. Ambula coram me & esto perfectus &c. Hoc pacto de Noe legimus; Cum Deo ambulauit Noe. Quarta ambulatio est gloriæ, secundum quam ambulant sancti post Christum eundo. de qua ambulatione in reuelationibus sancti Ioannis legitur. Ambulabunt mecum in albis. prima ambulatio est sustinenda, secunda fugienda, tertia facienda, quarta desideranda.

Amandi